

«ԱՐԵՎԵԼՅԱՆ» ԵՎ «ԱՐԵՎՄՏՅԱՆ» ՄՈՒՇԿԵՐԻ ԽՆԴԻՐԸ

Ա. Վ. ՔՈՍՅԱՆ

Մասնադիտական դրականության մեջ տասնամյակներ շարունակ արծարծվել է մ. թ. ա. XII—VII դդ. ընթացքում ասորեստանյան, ուրարտական և հիերոգլիֆային լուվիական աղբյուրներում վկայված մուշկերի և զրանց հետ ինչ-որ հղանակով առնչվող Մուշկու երկրի տեղանշանն ու էթնիկական լուվականության խնդիրը: Քանի որ նշված տեղանիշով կոչվել են ինչպես Փոքր Ասիայի արևմուտքում՝ Սանդարիոսի հովտում գտնվող Մեծ Փոյուղիան, այնպես էլ Վերին Եփրատի և Վերին Տիգրիսի ավազաններում հանդես եկող էթնիկական մի խումբ, ապա ուսումնասիրողները հիմնականում փորձել են երկուսին մեկ ընդհանուր կյակետ և ծաղում վերադրել: Ոմանք վերին-եփրատյան մուշկերին դիտել են որպես Հյուսիսային Բալկաններից Խեթական անբուխյան տրոհման շրջանում դեպի արևելք ընթացած ցեղերի մի խումբ¹: Մյուսները վերինեփրատյան մուշկերին առաջարկել են նույնացնել Փոքր Ասիայի հյուսիս-արևելքում անտիկ աղբյուրների կողմից հիշատակվող մոսխերի (Μοσχῆς) հետ²: Ըստ վերջին տեսակետի, արևելյան մուշկերը կամ մ. թ. ա. XII դարից հետո ևն միայն շարժվել դեպի Սանդարիոսի հովտ, կամ էլ մուշկերի և Մուշկու երկրի (Փոյուղիա) անունների նմանությունը պատահական է:

Մինչև վերջին տարիները արևելյան և արևմտյան մուշկերի միջև Լեթա-դրվող կտայր ավելի շուտ վերացական Լեթադրության արդյունք էր, քանի որ հնագիտական ուսումնասիրությունները՝ սակարգակր թույլ չէր տալիս ընդունելու կամ ժխտելու վերոհիշյալ տեսակետներից որևէ մեկը:

Որոշք են արևելյան և արևմտյան մուշկերի խնդրում եղած բարդությունները:

1) Մ. թ. ա. XIII դարի երկրորդ կեսին—XII դարի սկզբին Առաջավոր Ասիայում և էփրատյան սկիզբ առած բուրբաղական խոր ճղնածածի ընթացքում Խեթական անբուխյան տրոհումը ներկայացվում էր որպես բալկանյան ցեղերի և «ծովի ժողովուրդների» անկասկի հարձակման հետևանք³, որի ըն-

¹ И. М. Дьяконов. ПАН, с. 118 сл; ն. Աղոնց. Հայաստանի պատմություն. Երևան, 1972, էջ 52—53; W. F. Albright. Syria, the Philistines, and Phoenicia — In: CAH 11/2, 1975, p. 50; J. P. Mallory. In Search of the Indo-Europeans. London, 1979, p. 31 ff.

² Г. А. Меликишвили. Нанри—Урарту. Тбилиси, 1954, с. 106; A. Goetze. Kleinasien, I eidelberg, 1957, S. 185; Дж. Маккуин. Хетты и их современники в Малой Азии. М., 1983, с. 51 և այլն: վերինեփրատյան մուշկերի և փոյուղացիների նույնացման մասին կարծիքը չի կիսում նաև Ս. Սելլաարար (Troy VIIa in Anatolian Perspective.—In: The Trojan War, p. 67): Ըստ Ռ. Գ. Բարնետի, մուշկերը կարող էին կապ ունենալ անտիկ աղբյուրների մոսխերի և Խեթականների հետ, որոնք փոյուղացիների առաջնադաս շրջանում Փոքր Ասիայի հյուսիս-արևելքից շարժվել էին դեպի Հալիսի ոլորանի շրջանը (Phrygia and the Peoples of Anatolia in the Iron Age.—In: CAH 11/2, 1975, p. 420):

³ R. D. Barnett. The Sea Peoples.—In: CAH 11, ch. XXVIII, 1960, p. 13f.; O. R. Gurney. The Hittites. Baltimore, 1981, p. 41; И. М. Дьяконов. ПАН, с. 118 сл; ն. Աղոնց. նշվ. աշխ., էջ 52—53; Fr. Cornelius. Geschichte der

թացքում տեսականորեն կարելի էր պատկերացնել բալկանցիների մի հատվածի ներթափանցման հնարավորությունը դեպի արևելյան Փոքր Ասիա և վերին Ծիրատի ավազան: Սրանից կարծես տրամաբանորեն ընկում էր «արևելելան» մուշկերի արևմտյան ծագման վարկածը:

2) Մինչև XX դարի 80-ական թթ. վերջը Սանգարիոսի հովտում գտնվող Մեծ Փոյուգիայի մայրաքաղաք Գորդիոնի պեղումները ավելի շուտ վկայում էին բալկանյան էթնոսի դանդաղ, աստիճանական ներթափանցման օգտին տեղական միջավայր⁴, մի փաստ, որը, անկասկած, անհամատեղելի էր հնթական տերության ավերման մասին գերիշխող տեսակետի հետ: Գորդիոնում նոր էթնիկական տարրի ներթափանցման նման եղանակը հազիվ թե հնարավոր լիներ համատեղել նրանց մի զգալի մասի՝ Ծիրատ հասնելու մասին կարծիքի հետ:

3) Գորդիոնում եկվոր բալկանյան տարրի խաղաղ ներթափանցման մասին պատկերացումը դժվար էր համատեղել Տրոյա VIIb 1 և 2 շերտերի, ինչպես նաև խեթերի մայրաքաղաք Խաթթուսսի դաժան ավերածությունների փաստի հետ:

Այս և որոշ այլ նկատառումներ դժվարացնում էին մուշկերի խնդրի լուծումը: Սակայն վերջին տասնամյակում հնագիտական և գրավոր նոր նյութերի չափավոր հնարավորություն է ստեղծվում զգալիորեն մոտեցնելու այն: Արևմտյան և կենտրոնական Փոքր Ասիայում 1980-ական թթ. կատարված պեղումները թույլ են տալիս մոտավոր պատկերացում կազմելու մ. թ. ա. XII դարի սկզբներին ընթացած բալկանյան միգրացիայի բնույթի և աշխարհագրական ընդգրկման մասին:

1. ՏՐՈՅԱՆ ԵՎ ԲԱԼԿԱՆՅԱՆ ԹՐԱԿԻԱ

Բալկանյան ժողովուրդների հնարավոր միգրացիան դեպի Փոքր Ասիա անհնար է պատկերացնել այլ ճանապարհով, քան Եվրոպան և Ասիան կապող նեղուցներով: Եթե այն իրոք խոշոր մասշտաբներ ունենար, ապա, անկասկած, նկատելի հետքեր պիտի թողներ Տրոյայում և հատկապես հնագիտորեն լավ ուսումնասիրված Տրոյայի՝ ուշերոնգեդարր եզրափակող շերտերում:

Հայտնի է, որ Տրոյա VIIb 1 հնագիտական շերտը կործանվել է ուժեղ ավերածությունների և հրդեհի հետևանքով, մի իրադարձություն, որը ժամանակագրորեն համընկնում է խեթական մայրաքաղաքի և կենտրոնական ու հարավային Փոքր Ասիայի մյուս քաղաքների ավերման հետ, այսինքն, մոտավորապես մ. թ. ա. 1200 թ.⁵: Ավերման շերտին հաջորդող շերտում հայտ-

Hethlter. Darmstadt, 1973, S. 277ff.; G. A. Lehmann. Der Untergang des hethitischen Grossreiches und die neuen Texte aus Ugarit, „Ugarit-Forschungen“, Bd. 2, 1970, S. 42ff.

⁴ R. S. Young. The Gordion Campaign of 1965.—AJA 70, 1966, p. 276f.; T. A. Мoiseeva. К вопросу о характере фригийского государства в VIII—начале VII вв. до н. э.—ВДИ. 1986, № 3, с. 17; G. K. Sam s. Western Anatolia.—In: Crisis, p. 59.

⁵ Այս գերիշխող կարծիքը, սակայն, չեն կիսում մի շարք հնագետներ: Այսպես, Կ. Բլեշներ այս իրադարձությունը թվագրում է մոտավորապես մ. թ. ա. 1100 թ. (Troy IV, Princeton, 1958, p. 146): Տրոյա VIIa, VIIb 1—2 շերտերի և Տրոյական պատերազմի հարաբերակցության հարցի շուրջ եղած կարծիքների մասին տե՛ս M. J. Mellink. Postscriptum.—In: Troy and the Trojan War: A Symposium Held at Bryn Mawr College, October 1984. Bryn Mawr College, 1986, p. 93—101; S. Hiller. Two Trojan Wars?—In: Studia Troica 1, 1991, p. 145ff..

նրված Buckelkeramik-ը, բոլոր մասնագետների կարծիքով՝, լավ զուգահեռներ ունի Հյուսիսային Բալկաններում՝ Բրակիայում: Կարծիք կա նույնիսկ այս խնդրի մասին հեռավոր աղբյուրի՝ Կենտրոնական Եվրոպայի ուղբորոն-դեղարյան Lusitz կոչվող մշակույթի մասին⁷:

Տրոյա VIII 2-ի Buckelkeramik-ի ստեղծողների նույնացումը բալկանյան վերարակիչների հետ հանդիպում է երկու բարդության:

1) Այդ խնդիրներն պատրաստման եղանակով (առանց բրուտի անիվի, թրծված) և ձեռքով շատ մոտ խեցեղենի առկայությունը հարավային Հունաստանի միկենյան մի շարք բնակավայրերում՝ Միկենը, Տիրինթոս, Լեֆկանդի (Էվրեա), Կորակու (Կորնթոս) և այլն դեռևս Ուշհելլադյան IIIB 2 փուլում (մ. թ. ա. 13-րդ դար), այսինքն, նախքան միկենյան քաղաքների անկումը մ. թ. ա. 1200 թ. սահմաններում⁸, Այդպիսի խեցեղեն վկայված է նաև Կիպրոսում և Լեանտում⁹:

Ինչպևս կարելի է մեկնաբանել այս իրադրությունը:

Եթե վերոհիշյալ շրջաններում հայտնված օտարածին խեցեղենը գիտվի որպես դրանք ստեղծողների առկայության վկայություն, ապա նշանակում է, որ Հյուսիսային Բալկաններից դեպի էգեյան ծովի հարավային ափագան և Միջերկրականի արևելք ժողովուրդների տեղաշարժը պիտի սկսվեր դեռ նախքան մ. թ. ա. XII դարի ճգնաժամը: Այդ դեպքում նշված շարժումները հնարավոր է մեկնաբանել որպես աստիճանական, փոքրածավալ ինֆիլտրացիա տեղական բնակչության դերակշիռ զանգվածի մեջ: Տեսականորեն, նոր տիպի խնդիրների կրողների նույնացումը «ծովի ժողովուրդների» առաջին ալիքի հետ (մ. թ. ա. XIII դարի վերջին տասնամյակ) անհնար չէ, բայց վերին աստիճանի բիշ հավանական, բանի որ այժմ կարելի է հիմնականում ապացուցված համարել «ծովի ժողովուրդների» փոքրասիական և մասամբ նաև հուևնալեզու պատկանելությունը¹⁰:

Հյուսիսբալկանյան խեցեղենի ներմուծման հնարավորությունը նույնպես չի կարելի բացառել, չնայած բավական դժվար է ըմբռնել դրա անհրաժեշտությունը խեցեղործական հիանալի ավանդույթներ ունեցող միկենյան և լեվանտյան քաղաքներում¹¹:

⁷ C. Blegen. Troy IV, p. 142. Idem. Troy VII.—In: CAH 11/2, 1975, p. 16.
M. I. Finley. The Trojan War.—JHS 84, 1964, p. 5 and n. 9; J. Rutter. Ceramic Evidence for Northern Intruders in Southern Greece at the Beginning of the Late Helladic IIC Period.—AJA 79, 1975/1, p. 3ff.; J. D. Muhly. The Crisis Years in the Mediterranean World: Transition or Cultural Disintegration?—In: Crisis, p. 12, և այլն:

⁸ C. Blegen. Troy VII.—In: CAH 11/2, 1975, p. 164.

⁹ J. Rutter. Op. cit., p. 17ff.; H. W. Catling and E. A. Catling. „Barbarian“ Pottery from the Mycenaean Settlement at the Menelaion, Sparta.—BSA 76, 1981, p. 7111.

¹⁰ J. D. Muhly.—In: Crisis, p. 13.

¹¹ Այս հարցի շուրջ եղած կարծիքների քննությունը տե՛ս N. K. Sandars. The Sea Peoples. London, 1978; J. Mellaart. The Archaeology of Ancient Turkey. London, 1978; Ա. Վ. Քոռյան. Եթնիկական տեղաշարժերը Փոքր Ասիայում և Հայկական լեռնաշխարհում մ. թ. ա. XII դարում.—ՊԲՀ, 1991, № 1, էջ 70-71 և հոս:

¹² Միկենյան քաղաքակրթության կենտրոնների անկման նախօրեին (մ. թ. ա. XIII դարի երկրորդ կես—Ուշհելլադյան IIIB-ի վերջին փուլ) առանց բրուտի անիվի պատրաստված պարունակ խեցեղենի հայտնվելը վերջերս փորձ է արվել մեկնաբանել հետևյալ կերպ: Անկման շրջանում պալատական համակարգի քայքայման պրոցեսում պալատական և տաճարային տընտեսության խեցեղործական խոշոր արհեստանոցների գործունեության մասշտաբների կրճատումը կամ վերացումը սկսի դրեին բնակչությանը անցնելու պարզ տնայնագործության (P. B. Small. Handmade Burnished Ware and Prehistoric Aegean Economics: an Argument for Indigenous Appearance.—JMA 3, 1990 I, p. 3-25):

14 «Հանդես», № 1-2

2) եթե Հյուսիսային Բալկաններից, մասնավորապես Թրակիայից, նըշված ժամանակաշրջանում քիչ թե շատ խոշոր միգրացիա լիներ, ապա այստեղի ուշբրոնզեդարյան բնակավայրերի մի մասը անխուսափելիորեն պիտի մշակութային ընդհատում կամ գոնե կենսագործունեության նվազում ցույց տար: Այսինքն, Հյուսիսային Բալկանները պիտի զրկվեին բնակչության մի զգալի մասից: Սակայն Բալկանյան Թրակիայի հնագիտական ուսումնասիրությունները վկայում են որևէ ընդհատման կամ անկման բացակայության օգտին¹²: Ավելի շուտ կարելի է ենթադրել տասնամյակների ընթացքում Թրակիայից բալկանյան տարրի խաղաղ ներթափանցում, քան միաժամանակյա ավերիչ տեղաշարժ¹³: Ողջ Տրոադայում, բացի բուն Տրոայից, մ. թ. ա. 1200 թ. մոտերքում այլ ավերածություններ չկան¹⁴:

2. ԳՈՐԴԻՈՆ-ՅԱՍՍԸՅՈՅՈՒՔ ԵՎ ԿՆԵՏՐՈՆԱԿԱՆ ՓՈՔՐ ԱՍԻԱ

Այժմ տեսնենք, թե ինչպիսին է իրավիճակը Տրոադայից հարավ-արևելք, Սանդարիոսի հովտում (որտեղ շատ ավելի ուշ ձևավորվեց Մեծ Փոյուզիան), ինչպես նաև կենտրոնական Փոքր Ասիայում: Սրանք այն շրջաններն են, որտեղով, ըստ ավանդական տիսակետի. պիտի անցած լինեին խեթական տերությունը կործանած եվրոպական ցեղերը: Եղե՞լ է արդյոք այստեղ բալկանյան ժողովուրդների՝ վույուդացիների և թրակյան ժողովուրդների ներհոսք, և ինչպես կարելի է բնութագրել նրանց ընթացքը և թվագրել այն:

Գորդիոնի հնագիտական ուսումնասիրությունը միանշանակ վկայում է, որ ուշբրոնզեդարի եզրափակիչ փուլում, որը ժամանակագրորեն համընկնում է խեթական տերության անկման հետ, և նույնիսկ դրան հաջորդող զգալի ժամանակահատվածի ընթացքում այստեղ խոշոր ավերածություններ վկայված չեն¹⁵: Սակայն, միևնույն ժամանակ, խեթական խեցեղենով բնութագրվող ուշբրոնզեդարի վերջին շերտի վրա նստած է մի շերտ, որին հատուկ է առանց բրուտի անիվի պատրաստված կոպիտ և պարզունակ խեցեղենը¹⁶: Վերջինս սովորաբար կապում են համաժամանակյա Տրոյա VIIb 1 և VIIb 2 շերտերում հայտնվող Coarse Ware-ի և Buckelkeramik-ի հետ, որոնց կրողներ են համարվում հյուսիսբալկանյան վերաբնակիչները¹⁷: Այսպիսով, Գորդիոնի առաջին ետխեթական շերտը ավանդաբար դիտվում է Տրոյա VIIb 1 և VIIb 2-ի հետ սերտ կապի մեջ:

Սակայն Տրոյայի հիշյալ խեցեղենի և Գորդիոնի նոր խեցեղենի միջև եղած որոշ նմանությունները դեռևս համոզիչ փաստարկ չեն միանշանակ եզրակացնելու Տրոադայով դեպի Սանդարիոսի հովիտ ընթացած խոշոր էթնիկական տեղաշարժի օգտին: Բանն այն է, որ խեցեղենային համալիրների միջև կան

¹² P. S. Weiss. Crises Years? The 12th Century B. C. In Central and Southeastern Europe.—In: Crisis, p. 31ff.

¹³ J. Macqueen. The Hittites and Their Contemporaries in Asia Minor. New York, 1986, p. 158; G. K. Sams.—In: Crisis, p. 57.

¹⁴ M. Özdoğan. Taslıcabayır. A Late Bronze Age Burial Mound in Eastern Thrace.—Anatolica 14, 1987, p. 5ff.

¹⁵ R. S. Young.—AJA 70, 1966, p. 276f.; G. K. Sams.—In: Crisis, p. 59.

¹⁶ G. K. Sams. Op. cit., p. 59.

¹⁷ C. Blegen. Troy IV, p. 159; E. French. The First Phase of LH IIIC.—AA 1969, p. 133f.; J. Rutter.—AJA 79, 1975/1, p. 17ff.; K. DeVries. The Cordoned Excavation Seasons of 1969—1973 and Subsequent Research.—AJA 94, 1990/3, p. 371f.; J. D. Muhly.—In: Crisis, p. 12 և այլն:

արմատական տարբերություններ և դրանց միջև կապը անուղղակի է¹⁵։ Հնարավոր են այս իրավիճակի գնահատման երկու այլընտրական տարբերակներ։ 1) Տրոյայի և Դորդիոնի նոր բնակիչները տեղաշարժային տարբեր ալիքների կրողներ են, և այդ դեպքում Տրոյա VIII 1-ը և խեթական Գորդիոնը հազիվ թե զուգաված լինեին զրեթե միաժամանակ, 2) նշված երկու քաղաքների նոր բնակիչները մշակութային առումով միատարր չեն եղել։

Դորդիոնում նոր էթնիկական տարրի ներթափանցումը հնագետների մեծ մասի կողմից դիտվում է որպես դարեր տևած աստիճանական ինֆիլտրացիա, որը միայն ժամանակի ընթացքում պիտի փոխեր այստեղի դուռ փոքրասիական-խեթական մշակույթին բնորոշ դժերը¹⁶։

Ստեղծարարի հոլմում ուշ բրոնզից վաղ երկաթ անցման փուլի իրական ոլորտների և բուլկանյան միջրացիայի գնահատման հարցում հատկապես կարևոր տվյալներ են ի հայտ եկել 1988—1989 թթ. պեղումների ընթացքում²⁰։

Խեցեղենի, ճարտարապետության և այլ տվյալների հիման վրա հստակորեն դժգոհվում են Դորդիոնի ետիեթական շրջանի երկու փուլեր, որոնցից յուրաքանչյուրը, ըստ պեղող հնագետների հիմնավոր կարծիքի, էթնոմշակութային երկու տարրեր գանգվածների առկայության արդյունք է։ Նշված փուլերն ընդգրկում են մոտավորապես մ. թ. ա. 1200—950/900 թթ., այսինքն, խեթական ժամանակաշրջանի ավարտից մինչև նոր բնակչության հանդես գալը համեմատաբար մեծ ժամանակազրական ճեղքվածք չկա, եթե այդպիսին ընդհանրապես առկա է²¹։ Այդ փուլերն են՝ 1) Յասսընյույուֆ 7B (ունի երկու ենթաշերտ—մինչև մ. թ. ա. 1000 թ. մոտերքը), 2 Յասսընյույուֆ 7A (մ. թ. ա. 1000—950/900 թթ. մոտերքը)²²։

Դորդիոնի 7B-ին քննորոշ միակ խեցեղորձական համալիրը բաղկացած է սև դույնի պարզ, առանց բրուտի անիվի պատրաստված և ցածր ջերմաստիճանի տակ թրծված (600—700°) անոթներից։ Որ Դորդիոնի նոր բնակչությունը օգտվել է ոչ թե արհեստանոցային ստանդարտ իրերից, այլ սեփական, տնայնագործական արտադրանքից, լավ երևում է հետևյալ դիտարկումից։ Նույնատիպ անոթները տարբերվում են զրեթե բոլոր ատրիբուտներով։

Կարևոր է նշել, որ այս խեցեղենը չունի տեղական նախատիպ։ Ուշբրոնզեդարյան խեցեղորձական ավանդույթը 7B-ում չի շարունակվել, որը թույլ է տալիս վստահորեն խոսել խեթական շրջանի մշակույթի լիակատար ընդհատման, այլ ոչ աստիճանական անցման մասին²³։

¹⁵ G. K. Sams.—In: Crisis, p. 59; Տրոյա VIII շերտի խեցեղենը ուղղակի ղուղահեններ ունի Տրոյադայում և Մարմարա ծովի ու Բոսֆորի հյուսիսային առափնյա շրջանում

M. Özdogan.—Anatolica 14, 1987, p. 5ff). Մրանից կարելի է ենթադրել, որ Տրոյա VIII 1-ի ավերողները և այն վերաբնակեցնողները, հավանաբար, սահմանափակվել են միայն Տրոյադայով, համեմատելիս, մ. թ. ա. 1200 թ. մոտերքում և դրանից դեռ բավական ժամանակ անց։

¹⁶ Նոր, փոյուզական մշակույթի բնորոշ առանձնահատկությունները Գորդիոնում ձևավորվել են առնվազն երեք-չորս հարյուր տարվա ընթացքում, ավարտվելով միայն մ. թ. ա. IX—VIII դդ. Օրինակ, Գորդիոնում փայտեղական դամբանաբլուրային թաղման (tumulus) պրակտիկան, որը վկայված է Մակեդոնիայում շատ ավելի վաղ, այստեղ հայտնվում է միայն մ. թ. ա. VIII դարի կեսերից ոչ շուտ (G. K. Sams. The Early Phrygian Period at Gordion: Toward a Cultural Identity.—Source VII, 1988, 34, p. 12)։

²⁰ Գորդիոնի պեղումների նոր փուլի արդյունքներն ամփոփված են հետևյալ աշխատություններում՝ R. C. Henrickson. Continuity and Discontinuity in the Ceramic Tradition of Gordion during the Iron Age.—In: AIA 3, pp. 95—129; M. Voigt. Excavations at Gordion 1988—1989: the Yassihöyük Stratigraphic Sequence.—In: AIA 3, pp. 265—293։

²¹ M. Voigt. Op. cit., p. 276.

²² Նույն տեղում, էջ 268։

²³ R. Henrickson. Op. cit., p. 170.

Գորդիոնի հաջորդ՝ 7A փուլը իր մշակութային համալիրով ակնհայտորեն նախորդի շարունակությունը չէ. այն իր նախատիպը չունի ո՛չ ուշ բրոնզե-դարում (Յասսընյույուֆ 8), ո՛չ էլ 7B-ում²⁴, Միկենույն ժամանակ, 7A-ում հայտնվող դորշ խեցեղենի բոլոր տիպերը լավ վկայված են հետագա ժամանակների փոյուզական մշակությամբ, որն, անկասկած, վկայում է 7A-ի և Գորդիոնի հաջորդ փուլի միջև շարունակականության օգտին²⁵:

Այսպիսով, Գորդիոնի նորահայտ նյութը վկայում է մ. թ. ա. XII—X դդ. ընթացքում նոր բնակչության երկու ալիքների ներհոսքի մասին: Դրանցից առաջինը ինչ-որ պահ խեցեղեն տեքստիլային անկման շրջանում (մ. թ. ա. XII դարի սկիզբ), իսկ երկրորդը՝ մեկ-երկու դար հետո: Ելնելով Գորդիոնի ետխեցեղեն առաջին երկու փուլերի միջև մշակութային կապերի բացակայության ակնառու փաստից, նշված տեղաշարժային ալիքների կրողները հազիվ թե միևնույն էթնոմշակութային համալիրի ներկայացուցիչները լինեին: Ավելին, առավել քան հավանական է, որ նրանց ելակետները տարբեր են եղել: Իհարկե, սա միակ հնարավոր տարբերակը չէ: Տեղաշարժային առաջին ալիքի կրողները կարող էին լինել մի որոշակի էթնիկական զանգվածի ծայրագավառային «բարբարոսական» հատվածը, որը ավելի վաղ էր սկսել շարժումը դեպի Սանգարիոսի հովիտ:

Ինչպե՞ս կարելի է բնութագրել վերոհիշյալ միգրացիոն ալիքները, դրանց շարժման հետևանքները ուսումնասիրվող տարածաշրջանի վրա:

Եթե 7B փուլի բնակիչները իրոք կապ ունեն հյուսիսբալկանյան ժողովուրդների հետ, մի տեսակետ, որ կիսում է հնագետների մեծ մասը²⁶, ապա, թերևս, հնարավոր լինի այդ շարժումը դիտել Տրոյա VIIb 1-ի ավերման ֆոնի վրա, ընայած չի կարելի բացառել նաև մեկ այլ հնարավորություն, այն է՝ արևմտյան և հյուսիս-արևմտյան Փոքր Ասիայի ծայրագավառային բնակչության ներհոսք դեպի խեցեղեն տեքստիլային տրոհումից թուլացած Գորդիոն:

Ինչևէ, Գորդիոնի պեղումներից ստացված նյութը ուսումնասիրվում է ավելի հավանական համարել Բալկաններից Տրոյա դարձվ դեպի Սանգարիոսի հովիտ ընթացած ժողովուրդների տեղաշարժի մասին ավանդական տեսակետը²⁷, Սակայն մեր ուսումնասիրության նպատակների տեսանկյունից հատկապես կարևոր է պարզել ոչ այնքան վերոհիշյալ տեղաշարժերի լինել-չլինելու հարցը, որքան դրանց մասշտաբները, աշխարհագրական ընդգրկումը:

Սանգարիոսի հովտից արևելք, նախկին խեցեղեն տեքստիլային կենտրոնական շրջաններում, ուշ բրոնզ—վաղ երկաթ անցման շրջանում (մ. թ. ա. XII դար) Գորդիոնի վերոհիշյալ 7B փուլի խեցեղենին նման խեցեղեն է հայտնաբերվել Հալիսի հոսանքի ներսում՝ Կաման-Կալեհյույուքում²⁸: Իսկ ինչ վերաբերում է Բողազքյույ-Նաթթուսասի և կենտրոնական Փոքր Ասիայի շուրջ մեկ տասնյակ ավերված բնակավայրերին, ապա այստեղ ետխեցեղեն շերտերում այդպիսի խեցեղեն չկա: Նման խեցեղենը բացակայում է ինչպես Հալիսից հարավ, այնպես էլ թերակղզու արևելյան շրջաններում²⁹, Կարևոր է նշել,

²⁴ Նույն տեղում, էջ 109 f:

²⁵ M. Voigt. Op. cit., p. 277. Այս առումով համակոչական է, որ մինչև մ. թ. ա. X դարը Գորդիոնը չունի որևէ նյութ, որը կվկայի այստեղ փոյուզացիների ներկայության օգտին (J. Mellaart.—In: The Trojan War, p. 67f):

²⁶ Տե՛ս ծան. 17:

²⁷ Այս հարցի շուրջ վերջին շրջանում տե՛ս N. K. Sandars. The Sea Peoples; W. F. Albright.—In: CAH 11/2, p. 512f.; R. D. Barnett. The Sea Peoples.—In: CAH 11/2, p. 371ff.; J. Mellaart. Նշվ. աշխ., p. 75f.

²⁸ M. J. Mellink. Archaeology in Asia Minor.—AJA 96, 1992/1, p. 120.

²⁹ J. Yakar. Anatolian Civilization Following the Disintegration of the Hittite Empire: an Archaeological Appraisal.—Tel Aviv 20, 1993, p. 101f.; Կիլիկյան դարպասների շրջանում գտնվող Փոքրոկ բնակավայրի խեցեղեն շերտին անմիջապես, առանց ընդ-

որ արևելյան Փոքր Ասիայում՝ Մալաթիայում և Կարաճյուղ-էլքիստանում ուշ բրոնզ—վաղ երկաթ անոցում տեղի է ունեցել խաղաղ, առանց մշակութային ընդհատման³⁰։

Խախտան Վերին Եփրատի ավազանում մուշկերին և նրանց հետ հիշատակվող ցեղերին անցնելը, փորձենք եղած հնագիտական և գրավոր աղբյուրների հիման վրա համառոտակի բնորոշել Տրոյա VIIb 2-ի, Ցասսընյուլուֆ 7/8-ի և Կաման-Կալահյուլուքի նոր խեցեղենի կրողների տարածման սահմանները և նրանց դերը մ. թ. ա. XII դարի սկզբին տեղի ունեցած իրադարձություններում։ Այդ տեղաշարժի ընդգրկման շահերի և աղղեցության բնորոշումը կախված է հետևյալ նկատառումներից.

1) Ցասսընյուլուֆ 7/8-ին բնորոշ խեցեղենը և նրա ենթադրվող տրոյական և կամանյան դուրահեղուկները տարածվում են Փոքր Ասիայի հյուսիս-արևմուտքից մինչև Հալիոի հոսանքի հարավ-արևմտյան շրջանը։

2) Ընդադրյուլ-Խաթթուսասի ետիսթական շերտերի (Բյուլյուբկայա և Բյուլյուրկայա) և Նախորդ Կեստում նշված շրջանների նոր մշակույթի միջև որևէ կապ չի նշմարվում³¹։

3) Խաթթուսասի ավերման ժամանակաշրջանում կենտրոնական Փոքր Ասիայի խեթական մյուս ավերված քաղաքները գտնվում են խեթերի մայրաքաղաքից հյուսիս-արևելք, այսինքն, ոչ թե Լեմնադրվող բալկանյան վերարևելիների ուղու վրա, այլ հակառակ կողմում³²։

4) Փոքր Ասիայի արևելքում ավերածությունների բացակայությունը և մշակութային շարունակականությունը։

5) Ալսուկես կոչված «մուշկական» խեցեղենի յայն տարածումը Հայկական լեռնաշխարհի տարբեր շրջաններում, ինչի մասին ավելի ուշ։

Այսպիսով, հենվելով վերոհիշյալ փաստերի վրա, հնարավոր ենք համարում առաջարկելու մ. թ. ա. XII դարում տեղի ունեցած բալկանյան ցեղերի էթնիկական տեղաշարժերի հետևյալ ընթացքը։

Բալկանյան ժողովուրդների շարժումը դեպի Փոքր Ասիա, ամենայն հավանականությամբ, պիտի ընդգրկեր Տրոյադան, Սանգարիոսի հովիտը և որոշ այլ շրջաններ ավելի արևելք, բայց ոչ խեթերի մայրաքաղաք Խաթթուսասը և կենտրոնական Փոքր Ասիայի զգալի մասը։ Թվում է, որ այստեղ ավերածությունների հեղինակները կարող էին ուրիշ ժողովուրդներ լինել³³, եթե ոչ

միջման հաջորդում է վաղ երկաթեդարի շերտը, որի խեցեղենը, դատելով Դաշտային Կիլիկիայի վաղերկաթեդարյան խեցեղենի հետ նմանությունից, ծագում է հարավից։ Սա կարող է վկայել հույուտ Փորսուկի ավերողների հարավային կալեկտի (O. Pelon. The Site of Porsuk and the Beginning of the Iron Age in Southern Cappadocia.—In: AIA 3, p. 159):

³⁰ K. Bittel. Die archäologische Situation in Kleinasien um 1200 v. Chr. und während der nachfolgenden vier Jahrhunderte.—In: Griechenland, die Ägais und die Levante während der „Dark Ages“ vom 12. bis zum 9. Jh. v. Chr. (ed. S. Deger-Jalkotzy), Wien, 1983, S. 31.

³¹ K. Bittel. Hattusha. New York, 1970, p. 137ff.

³² Տե՛ս կենտրոնական Փոքր Ասիայի ավերված քաղաքների տեղագրությունը ըստ Կ. Բիտտեի բարակղի (K. Bittel. Op. cit., S. 31): Դրանցից միայն մեկն է գտնվում Խաթթուսասից արևմուտք՝ ժամանակակից Կարսոզլանի մոտ։

³³ Հաշվի առնելով խեթերի հյուսիսային, հյուսիս-արևելյան հարևան կասկական ցեղերի կողմից Խաթթուսասի և շրջակա քաղաքների վրա մշտապես կատարվող ավերիչ առաժանբների մասին բազմաթիվ հիշատակությունները խեթական աղբյուրներում, մասնաշեղծների մեծ մասը հենց նրանց է վերագրում կենտրոնական Փոքր Ասիայի ավերածությունները (E. von Schuler. Die Kasker. Berlin, 1965, S. 65; И. М. Дьяконов. ПАН, с. 117 сл.; G. A. Lehmann. „Ugarit-Forschungen“ 2, 1970, S. 47f.; R. D. Barnett. CAH 11/2, 1975, p. 370; J. Mellart. The Archaeology of Ancient Turkey, p. 72; R. Beal. The Hittites After the Empire's Fall.—Biblical Illustrator, 1983, p. 76f.; Ա. Քոսյան. ՊԲՆ. 1991, № 1, էջ 76 և այլն։

հենց խաթթիի բնակչությունը⁸⁴։ Փոքր Ասիայում նոր էթնիկական խմբերի այսպիսի աշխարհագրությունը զարմանալիորեն համապատասխանում է պատմական Մեծ Փոյուզիայի քաղաքական և մշակութային սահմաններին, մի փաստ, որ արդեն նկատվել է⁸⁵։ Փոյուզական գորշ խեցեղենը քիչ թե շատ կանոնավոր կերպով վկայված է Հալիսի արևմտյան հոսանքից արևմուտք, բայց ոչ արևելք կամ հարավ։ Գորշ խեցեղենի այսպիսի աշխարհագրությունը չի հակասում հիերոգլիֆային լուվիական և մ. թ. ա. VIII դարի ասորեստանյան աղբյուրներին։ Ըստ դրանց, մ. թ. ա. VIII դարի վերջին քառորդում Միտա-Միզասի փոյուզական պետության հզորության շրջանում վերջինիս անմիջական սահմանները հարավ-արևելքում հասնում էին մինչև ժամանակակից Թուզ լճի հյուսիսային մերձափնյա շրջանը, իսկ արևելքում առկա է մի մշակույթ, որը, չնայած պայմանականորեն կոչվում է «հին փոյուզական»⁸⁶, սակայն իրականում ոչ մի առնչություն չունի ո՛չ Սանգարիոսի հովտի, ո՛չ էլ Հյուսիսային Բալկանների հետ⁸⁷։ Նշված շրջաններում Փոյուզիան սահմանակցում էր Թաբալի լուվիական պետություններին։

Այսպիսով, բալկանյան ժողովուրդների միգրացիան Փոքր Ասիայում ակնհայտորեն սահմանափակ բնույթ է կրել, տարածվելով միայն մինչև խեթական տերության կենտրոնական շրջանների արևմտյան մասուլցները։ Այստեղ, խաթթիի անկման շրջանի ցնցումներից հետո շարունակվել է տեղական մշակույթի կենսագործունեությունը, իհարկե, որոշ փոփոխություններով։

3. ԱՐԵՎԵԼՅԱՆ ՓՈՔՐ ԱՍԻԱՆ ԵՎ ՎԵՐԻՆ ԵՓՐԱՏԻ ԱՎԱՋԱՆԸ

Միջին ասորեստանյան պետության՝ դեպի Հայկական լեռնաշխարհի հարավ-արևմտյան և արևմտյան շրջաններն ուղղված առաջնությունների պատմությունը բավական լավ է ուսումնասիրված⁸⁸։ Վերին Տիգրիսի և Վերին Եփրատի ավազանների շրջանում Սալմանասար I-ի և Թուկուլթի-Նինուրտա I-ի ձեռնարկած մի շարք առաջնությունների ընթացքում այստեղի պետական կազմավորումները աստիճանաբար հայտնվեցին Ասորեստանի քաղաքական աղբյուրներում ոլորտում։ Ասորեստանի առաջնազացումը հասավ իր ժալալման բարձրակետին հատկապես մ. թ. ա. 1234/3 թ., խեթերի դեմ մղած Նիսրի-յալի ճակատամարտի ժամանակաշրջանում, որը թույլ տվեց ասորեստանյան զորքին 28 800 մարդ գերեվարել Եփրատի արևմտյան առափնյա շրջ-

⁸⁴ Խաթթուսի բնակչության ապստամբության հնարավորության մասին տե՛ս Ա. Վ. Քոսյան, Կրկին էթնիկական տեղաշարժերի մասին, — ՊՐՀ, 1994, № 1—2, էջ 247։

⁸⁵ G. D. Summers. An Aerial Survey of Ceire Kale, Yaraşlı.—AnSt 42, 1992, p. 195; idem. Grey Ware and the Eastern Limits of Phrygia.—In: AIA 3, p. 241ff.։

⁸⁶ Այս հնացած տերմինը պատկանում է Ե. Ակուրդալին (E. Akurgal. Phrygische, Kunst, Ankara 1955)։

⁸⁷ Հալիսի հոսանքով պարփակված տարածքում և արևելքում՝ մինչև Մալաթիա, մ. թ. ա. I-ին հազ. առաջին կեսին վկայված է այսպես կոչված «Ալիար 4» տիպի խեցեղեն, որը միանգամայն տարբեր է փոյուզական խեցեղենից (G. D. Summers.—AIA 3, p. 245). Կենտրոնական Փոքր Ասիայի և Սանգարիոսի հովտի մշակույթների միջև եղած ակնառու տարբերություն պիտի դիտել նաև առաջինի տարածքից հայտնի բնակավայրերը իրենց հատուկ ամրաշինական տեխնիկայով (Ալիշար, Չալափվերդի, Հավուդքոյ, Կերկենես զադ, Կուլուլու)։ Այս մշակույթը ակնհայտորեն մտնում է լուվիական մշակութային արևալի մեջ (G. D. Summers. Op. cit., p. 246). Մի փաստ, որ ամրապնդվում է նշված վայրերում հիերոգլիֆային լուվիական արձանագրությունների գոյությամբ։

⁸⁸ J. M. Munn-Rankin. Assyrian Military Power, 1300—1200 B. C.—In: CAH 11/2, 1975, p. 285ff.; H. B. Арутюнян. Бивальни. Ереван, 1970, сс. 12 слл.; D. J. Wiseman. Assyria and Balytonia, c. 1200 B. C.—In: CAH 11/2, 1975, p. 454ff. և այլն։

ջաններին³⁹։ Դրեթև նույն ժամանակներում խեթերի ազդեցությունը վերացել էր նաև ասորեստանյան առաջխաղացումից շտուժած Հալասա-Ազգիի նկատմամբ⁴⁰։

Թուլուլթի-նինուրտալից մինչև մ. թ. ա. XII դարի վերջերը ասորեստանյան աղբյուրները ոչ մի տեղեկություն չեն հաղորդում վերինեփրատյան երկրների մասին, միակ բացատրությամբ, այն է՝ Թիգլաթպալասար I-ի կողմից մ. թ. ա. 1165 թ. սահմաններում Ալդիում և Պուրուկուզգիում հայտնված մուշկերի և այլ ցեղերի մասին հիշատակությունը⁴¹։

Եթե մինչև վերջերս վերը նշված ժամանակահատվածում այս տարածաշրջանում տեղի ունեցած իրադարձությունները մեկնաբանվում էին միայն ասորեստանյան աղբյուրների հիման վրա, և թվում էր, թե խնդրի լուծումը լուրջ հեռանկար չի խոստանում, ապա այժմ արդեն մեր տրամադրության տակ կա միանշանակ նոտ սկզբնաղբյուր, որի ընձեռած հնարավորությունները դժվար է դերագնահատել։

Վերին Եփրատի ավազանում, հատկապես այսօրվա Մալաթիայի և էլյազդի շրջաններում 1950—70-ական թվականներին ընթացած հնագիտական աշխատանքների ժամանակ⁴² հայտնաբերված վիթխարի քանակությամբ խեցեղենը թույլ է տալիս կարևոր եզրակացությունների հանգելու սույն հոդվածում բարձրացված խնդրի առնչությամբ։

Այսպես, նշված տարածաշրջանի մշակութային դարդալից պատկերը հետևյալն է։ Ուշրբոնդեղարյան (մ. թ. ա. XV—XIII դդ.) խեցեղենը կրում է կենտրոնական Փոքր Ասիայի մշակութային ուժեղ ազդեցություն, որը, բնականաբար, կառված էր խեթական տերության քաղաքական ազդեցության հետևից⁴³։ Ապա այն ուշ բրոնզից վաղ երկաթ անցման շրջանում (մ. թ. ա. 12-րդ դար), հատկապես էլյազդի շրջանի նյութը վկայում է այստեղ տեղի ունեցած մշակութային-գեոգրաֆիական խոշոր տեղաշարժերի օգտին, մի բան, որ, թվում է, անհնար է առանձնացնել Թիգլաթպալասար I-ի տեքստերում պահանջված տեղեկություններից։

³⁹ ARI I, §§ 773, 783.

⁴⁰ Այգպիսի տպավորություն կարելի է ստանալ Թուլսալիյա IV-ի՝ իր սահմանային մարզերի կառավարիչներին տրված հրահանգից. «Տերերդ, ովքեր առաջին հերթին (») կառավարում էք Ազգիին, Կասկային (և) Լուկկային նայող սահմանային կետերը» (KUB XXVI 12 II 12—15)։

⁴¹ ARI II, § 12ff.

⁴² C. A. Burney. Eastern Anatolia in the Chalcolithic and Early Bronze Age.—AnSt 8, 1958, pp. 157—209; idem. Aspects of Excavations in the Altınova.—AnSt 30, 1980, pp. 157—167; A. Palmieri. Insediamento del Bronzo Antico a Gellinciktepe (Malatya).—Origini 1, 1967, pp. 117—193; H. Hauptmann. Norsuntepe. Historische Geographie und Ergebnisse der Grabungen 1968/69.—IM 19—20, 1969—1970, S. 21—78; U. E. Sin. Tepezik Kazisi, 1968. Keban Projesi 1969, Çalişmalar, Ankara, 1970, p. 147—158; P. E. Pecorella. Malatya III, Roma, 1975; M. van Loon (ed.). Korucutepe II, Amsterdam, 1978; idem. Korucutepe III. Amsterdam, 1980; J. Yakar and A. Gürsan-Salzman. Archaeological Survey in the Malatya and Sivas Provinces.—Tel-Aviv 6, 1979, pp. 34—53; G. Korbel. Die spätbronzezeitliche Keramik von Norsuntepe. Hannover, 1985.

⁴³ V. Sevin. The Early Iron Age in the Elazığ Region and the Problem of the Mushkians.—AnSt 41, 1991, p. 87f; J. Yakar.—Tel-Aviv 20, 1993, p. 18.

Նշված փոփոխությունները հանգում են հետևյալին: Պարզորոշ նկատվում է բնակավայրերի և բնակչության քանակի կտրուկ անկում⁴⁴, ընդ որում որոշ բնակավայրեր (օրինակ, Կորուջութփեն և Նորշունթփեն) կրում են զգալի ավերածությունների հետքեր⁴⁵: Ամենուրեք ուշ բրոնզի վերջին շերտի և վաղ երկաթի առաջին շերտի միջև որևէ տեսանելի ընդմիջում չկա, այսինքն, նոր բնակչությունը պիտի անմիջապես կամ կարճ ժամանակահատվածում հաստատվեր լրիվ կամ մասամբ լքված բնակավայրերում⁴⁶:

Վաղ երկաթեդարյան բնակչության մշակույթը, ինչպես երևում է խեցեղենից, պարիսպների շարվածքից և բնակելի տների ճարտարապետությունից, միանգամայն տարբեր է խեթական ժամանակաշրջանի շերտերից: Չնայած դրան, ուշբրոնզեդարյան խեցեղենը չի ընդհատվում և դեռ բավական երկար ժամանակ գոյատևում է նոր խեցեղենի հետ կողք-կողքի⁴⁷: Իսկ ինչ վերաբերում է նոր, երկաթեդարյան բնակչությանը, ապա նախորդ շրջանի համեմատ էլյազղի տարածքի բնակավայրերի քանակը ցույց է տալիս գրեթե 50 տոկոսի աճ⁴⁸:

Վերոհիշյալ դիտարկումները, անկասկած, վկայում են էլյազղի շրջանում խեթական տերության տրոհման պահին կամ քիչ ավելի ուշ նախկին բնակչության մի մասի հեռացման և նոր, մեծաքանակ բնակչության ներհոսքի օգտին: Բնականաբար, անհնար է այս ժողովրդագրական փոփոխությունը առանձնացնել Թիգլաթպալասար I-ի հիշատակած մուշկերի և մյուս դեղերի առաջխաղացման փաստից: Հատկապես այն պատճառով, որ նշված տարածքում մ. թ. ա. XII դարից հետո մի քանի դար շարունակ պարզորոշ նկատվում է մշակութային շարունակականություն, այսինքն, ժողովրդագրական այլ փոփոխություններ այլևս վկայված չեն:

Մնում է միայն ավելացնել, որ էլյազղի շրջանում մ. թ. ա. XII դարում հայտնված և մուշկերի հետ կապվող նոր խեցեղենի աղբյուրը մասնադեպներով հանկված են որոնելու հենց Հայկական լեռնաշխարհում, բայց ոչ Փոքր Ասիայում, առավել ևս Բալկաններում (տե՛ս ստորև):

Այժմ փորձենք մեկնաբանել վերոհիշյալ հնագիտական տվյալները և դրանք համադրել մուշկերի խնդրի շուրջ առ այսօր եղած պատկերացումների հետ:

Մուշկերի էթնիկական պատկանելության և մինչտեղաշարժային տեղադրության խնդիրները գրեթե բացառապես գիտվել են խեթական տերության գոյության ավարտական փուլում տեղի ունեցած էթնիկական խոշոր տեղաշարժերի ենթատեքստում: Մասնագետների մեծ մասը, հիմք ընդունելով վերիննփրատյան մուշկերի անվան նույնությունը շատ ավելի ուշ շրջանում ասորեստանյան աղբյուրներում հիշատակվող Մեծ Փոյուզիայի Մուշկու անվանձևի հետ, առաջիններին անվերապահորեն համարել է մինչև մ. թ. ա. XII դարը Հյուսիսային Բալկաններում բնակվող հնդեվրոպական ծագման էթ-

⁴⁴ V. Sevin.—AnSt 41, 1991, p. 87.

⁴⁵ J. Yakar.—Tel-Aviv 20, 1993, p. 19f.

⁴⁶ Նույն տեղում:

⁴⁷ Նույն տեղում:

⁴⁸ V. Sevin. Op. cit., p. 87f.

նիկական խումբ⁴⁹ Մյուսները, հենվելով մուշկ և կասկ ցեղանունների, ինչպես նաև մուշկերի անվան և հերոդոտոսյան մոսխերի անունների նմանություն վրա, սրանց համարել են Փոքր Ասիայի հյուսիս-արևելյան շրջանների բնակիչներ⁵⁰։ Այս երկրորդ տեսակետի հետևորդներից ոմանք, զիսավորապես վրաց պատմագրության ներկայացուցիչները⁵¹, փոփոխում են մուշկերին քաղաքական ծագում վերագրելու։

Մուշկ ցեղանվան շուրջը եղած լեզվաբանական պրպտումները հազիվ թե յուրջ հեռանկար խոստանան թեկուզև այն պատճառով, որ ցեղանունները միշտ չէ որ ստուգաբանվում են դրանց կրողների լեզվով։ Բացի այդ, 1) ոչ ոք հիմք չկա ենթադրելու, որ Հերոդոտոսի մոսխերը իրոք քաղաքային էր ևն եղել, 2) հաղիվ թե արևելյան (վերինհիբրատյան) և արևմտյան (փուլուզական) մուշկերի դրազեցրած տարածքներում կարող էին դարեր շարունակ ապրել բարձրակարգի էթնիկական խմբեր և հետագայում հիմնովին ձուլվել այլ մոդոպոլոգների մեջ, առանց տեսանելի հետք թողնելու։

Վերին հիբրատի շրջանում նոր խեցեղենի (համապատասխանաբար, նաև բնակչության) ելակետի խնդրի լուծումը առայժմ բավական յուրջ բարդությունների հետ է կապված։ Բանն այն է, որ, ընայած նման խեցեղեն կամ, համեմատյալապ, դրա որոշ տիպեր, դրանցված են հարավ-արևելյան Վրաստանում, Կարմիր բլուրում, Գեոյ Թեփե Ա շերտում (հյուսիս-արևմտյան իրան), Գյուգելովայում ու Պոլուրում (էրզրումի շրջան), Դիլկայա Հյուսիսում (Վանա լճի հարավ-արևելյան ափին) և Տիլլե Հյուսիսում (Ադրյամանի մոտ)⁵², սակայն դրանց դրալի մասի ճշգրիտ թվագրման բացակայությունը թույլ չի տալիս որոշելու մուշկերի և նրանց ազդակից ցեղերի տեղաշարժերի ո՞չ երթուղին, ո՞չ էլ ժամանակը։ Ասվածի լավագույն օրինակը Տիլլե Հյուսիսն է, որի նյութը կարծես թվագրվում է մ. թ. ա. IX—VIII դդ.⁵³, և դա այն դեպքում, երբ, ըստ Թիգլաթպալասար I-ի, մուշկերն այստեղ հայտնվել են դեռևս մ. թ. ա. XII դարի վերջին քառորդում (Կադմուխի ետիրը)։

Հաշվի առնելով «մուշկական» խեցեղենի ոչ հստակ թվագրումը դրա աշխարհագրական լայն տարածման պայմաններում, թերևս, կարելի է միայն վստահորեն հայտարարել, որ 1) «մուշկական» խեցեղենը Հայկական լեռնաշխարհի ծնունդ է, այլ ոչ օտար, ներմուծովի երևույթ, 2) այդ խեցեղենի սակզծողները ալիսի դրալի թիվ կազմեին, 3) ամենայն հավանականությամբ, դրանք մի կոնկրետ ցեղ չեն եղել, այլ Հայկական լեռնաշխարհի նկատելի մասը զբաղեցնող որոշակի էթնոմշակութային զանգվածի տարբեր հատվածներ, 4) մուշկերի տեղաշարժերը Հայկական լեռնաշխարհի արևմուտքում և

⁴⁹ Տե՛ս ծան. 1։

⁵⁰ Տե՛ս ծան. 2։

⁵¹ Г. А. Меликишвили. Памя Урарту, с. 106; նույնի Die alten georgischen Staaten und ihre sozialökonomische Ordnung.—Georgica 13, 14, 1990/91. S. 71; Օ. Լորտկիանիժե. Wann beginnt die Geschichte der georgischen Kultur?—Georgica 16, 1993. S. 6

⁵² V. Sevin.—AnSt 41, 1991, p. 87f.: Նման խեցեղեն վկայված է նաև Վանի միջնաբերդի տարածքի միջնորարտական շերտում (V. Sevin. The Excavations at the Van Castle Mound.—In: AIA 3, p. 221f.).

⁵³ S. B. Blaylock, D. H. French and G. D. Summers. The Adiyaman Survey: an Interim Report.—AnSt 42, 1990, p. 110ff.։

հարավ-արևմուտքում, շնայած ժամանակագրորեն համընկնում են Բալկաններից դեպի Փոքր Ասիա ընթացած էթնիկական տեղաշարժերին, սակայն դրանք միմյանց հետ չեն փոխառնվում:

Այնուամենայնիվ, որքան էլ որ Հայկական լեռնաշխարհի տարբեր շրջաններում հայտնաբերված «մուշկական» խեցեղենի ոչ հստակ թվագրումը արգելակի մուշկերի ելակետի խնդրի լուծմանը, թվում է, որ լուրջ կովաններ կան նրանց նախնական բնակության վայրի որոշման հարցում:

1) Մուշկերի և կասկերի համատեղ հիշատակությունը միևնույն տարածքում՝ Թիգլաթպալասար I-ի մոտ:

2) Նշված ցեղերի բնորոշումը որպես «նաթթի երկրի անհնազանդ ժողովուրդներ»⁵⁴: Սա միանշանակ վկայում է հօգուտ այն բանի, որ կասկերի հետ վերին Եփրատի ավազանում հիշատակվող մուշկերն ու ուրումուները նախապես պիտի բնակվեին խեթական տերության քաղաքական ազդեցության ոլորտում: Իսկ այդպիսի տարածքներ, որքան հայտնի է խեթական աղբյուրներից, մ. թ. ա. XIV—XIII դդ. արևելքում հանդիսանում էին Հայաստ-Աղղին և Իսուվան (հայկ. Մոփք): Իսկ քանի որ Իսուվայի տարածքը հենց այսօրվա էլյազղն է, ապա մուշկերին պիտի փնտրել կա՛մ Հայաստ-Աղղիում, կա՛մ նրա մերձավոր հարևանությամբ: Այս առումով չի կարելի անտեսել այն, որ Հայաստայի տարածքում պիտի գտնվեին «մուշկական» խեցեղենի կենտրոններից երկուսը՝ Գյուզելուվան և Պուլուրը (տե՛ս վերը):

Մուշկերի խնդրի շուրջ ի հայտ եկած նորադույն տվյալների պատմադիտական իմաստավորումը հանգեցնում է հետևյալ տրամաբանական եզրակացությանը. մ. թ. ա. XIII դարի վերջերին—XII դարում Բալկաններից դեպի Հայկական լեռնաշխարհ ընթացած պրոտոհայկական ցեղերի տեղաշարժի մասին ավանդական կարծիքը որևէ հիմք չունի: Եթե նույնիսկ ենթադրենք, որ հայերենի կրող ցեղերը ինչ-որ ժամանակ իրոք Հայկական լեռնաշխարհ են հասել Եփրոպայի ինչ-որ մասում տեղադրվող հնդեվրոպական նախահայրենիքից (Բալկաններ, հյուսիսմերձսևծովյան տափաստաններ և այլն), ապա այդ տեղաշարժը պիտի տեղի ունենար անհամեմատ ավելի վաղ ժամանակներում, քան մ. թ. ա. XII դարը⁵⁵:

⁵⁴ A2I II, § 93:

⁵⁵ Հարկ է նշել, որ վերջին շրջանում Հայկական լեռնաշխարհում և հարակից տարածքներում մ. թ. ա. IV—III հազարամյակներում գոյություն ունեցած Կուր-Արաքսյան (արևմտյան զրականության մեջ՝ «Վաղ անդրկովկասյան») կամ նրա մի մասի էթնիկական բաղադրի հարցում նկատվում է տեղաշարժ դեպի դրա հնդեվրոպական բնույթը (տե՛ս մասնավորապես, Sh. M. M. Winn. Burial Evidence and the Kurgan Culture in Eastern Anatolia c. 300) B. C.: an Interpretation.—JIES 9, 1981, 1/2, p. 113ff.; I. Yakar. The Indo-Europeans and their Impact on Anatolian Cultural Development.—JIES 9, 1981, 1/2, p. 101ff.; Idem. Beyond the Eastern Borders of the Hittite Empire: an Archaeological Assessment.—In: Hittite and Other Anatolian and Near Eastern Studies in Honor of Sedat Alp (eds. H. Otten et al.), Ankara, 1992, p. 507ff.; Ch. Burney. Arslantepe as a Gateway to the Highlands: a Note on Periods VIA—VID.—In: Between the Rivers and Over the Mountains (eds. M. Frangipane et al.), Roma, 1993, p. 313ff. .

ՀԱՄԱՌՈՏԱԳՐՈՒԹՅՈՒՆՆԵՐԻ ՑԱՆԿ

- ՊՐՀ — Պատմա-րանագիտական հանդես
 В.ИИ — Вестник древней истории
 ПАН — И. М. Дьяконов, Предистория армянского народа. Ереван, 1969.
 AA — Artibus Asiae
 AIA 3 — Anatolian Iron Ages 3 (eds. A. Çilingiroğlu and D. H. French), Ankara, 1994
 AIA — American Journal of Archaeology
 AnSt — Anatolian Studies
 ARI — A. K. Grayson, Assyrian Royal Inscriptions, vols. I—II, Wiesbaden, 1972—1976
 BSA — Annual of the British School of Archaeology at Athens
 CAH — Cambridge Ancient History
 Crisis — The Crisis Years: The 12th Century B. C. (eds. W. A. Ward and M. Sh. Joukowski), Dabruque, 1992
 IM — Istanbul Mitteilungen
 JHS — Journal of Hellenic Studies
 JIES — Journal of Indo European Studies
 JMA — Journal of Mediterranean Archaeology
 KUB — Keilschrifturkunden aus Boghazkoi
 The Trojan War — The Trojan War: Its Historicity and Context (eds. L. Foxhall and I. K. Davies), Bristol, 1984

ПРОБЛЕМА «ВОСТОЧНЫХ» И «ЗАПАДНЫХ» МУШКОВ

А. В. КОСЯН

Р е з ю м е

На основании новейших эпиграфических и археологических данных в статье рассматриваются существующие в научной литературе различные теории относительно проблемы мушков, зафиксированных в ассирийских, урартских, нероглифических лувийских и более поздних источниках. Анализ письменных источников и археологического материала позволяет предложить следующие выводы по проблеме мушков: 1. «Восточные мушкы», известные в районе Верхнего Евфрата по источникам XII в. до н. э., не имеют отношения к носителям миграционной волны из северных Балкан в Малую Азию, которая проходила в конце XIII—XII в. до н. э. Последние (т. н. фразо-фригийцы) археологически зафиксированы лишь в западно-центральной Малой Азии, то есть примерно там, где в более позднюю эпоху (VIII в. до н. э.) существовало Фригийское царство. 2. Большое количество поной, т. н. «мушкой» керамики, известной в районе верхнего течения Евфрата, в Эрзерумском и Ванском районах, а также на территории современной Армении и Грузии, свидетельствует об автохтонном происхождении «восточных мушков». 3. Продвижение «восточных мушков» в сторону верхневосточных стран Азии, Пурукуззи и далее в Кадмухи следует рассматривать на фоне кризиса древнеближневосточных обществ XII в. до н. э. По всей видимости, это была локальная миграция из северо-западной и западной части Армянского нагорья на юг, до Северной Месопотамии. Отправным пунктом миграции мушков предлагается территория страны Хаппаса-Аззи, известной по хеттским текстам XV—XIII вв. до н. э.

THE PROBLEM OF „EASTERN“ AND „WESTERN“ MUSHKIANS

A. V. KOSYAN

Summary

By virtue of recent epigraphic and archaeological discoveries, the author revises the current theories regarding the Mushki, the tribes attested to in the Assyrian, Urartian, Hieroglyphic Luwian and in later written sources. The analysis of written sources coupled with the archaeological data allow the author to suggest the following conclusions: 1) The „Eastern“ Mushki, attested to in the Upper Euphrates area in the XII B. C. are not related to the migrants who had come from the Northern Balkans into the Asia Minor during the XIII–XII B. C. Archaeological findings verify the latter's presence only in west-central Asia Minor, i. e. in the area where much later (in the VIII B. C.) we find the Phrygian kingdom. 2) The great quantities of new, the so-called „Mushkian“ pottery from the Upper Euphrates area, namely from the districts of Erzerum and Van, as well as from modern Armenia and Georgia confirm the indigenous origin of „Eastern“ Mushki. 3) The advance of „Eastern“ Mushki towards the Upper Euphrates countries of Alzi, Purukuzzi and further into Kadmuhl has to be considered on the background of the XII B. C. Near-Eastern crisis. Evidently, this was a local migration from north-western and western parts of the Armenian Highland towards south, up to Northern Mesopotamia. The author proposes that the starting point of the Mushki migration was the territory of Hayasa-Azzi, attested to in the XV–XIII B. C. Hittite texts.